

Всякое дыхание:

На глас 3, поставим стихи 4. И поем стихирь самогласны три, повторяюще первый:

Всякое дыхание да хвалит Господа./ Хвалите Господа с небес,/ хвалите Его в вышних.// Тебе подобает песнь Богу.

Хвалите Его вси ангели Его,/ хвалите его вся силы Его./ Тебе подобает песнь Богу.

1. Стих: Хвалите Его в тимпане и лице,/ хвалите Его во струнах и органе.

Два и лукавная сотвори/ перворожденный сын Мой Израиль:/ Мене остави Источника воды животныя,/ и ископа себе кладенец сокрушенный:/ Мене на древе распят,/ Варавву же испроси и отпусти./ Ужасеся небо о сем,/ и солнце лучи скры:/ ты же, Израилю, не усрамился еси,/ но смерти Мя предал еси./ Остави им, Отче Святыи,// не ведят бо, что сотвориша.

2. Воскресни Господи Боже мой, да вознесется рука Твоя,/ не забуди убогих Твоих до конца.

Кийждо уд святых Твоя плоти/ безчестие нас ради претерпе:/ терние, глава: лице, оплевания:/ челюсти, зашения:/ уста, во оцте растворенную желчь вкусом:/ ушеса, хуления злочестивая:/ плещи, биения: и рука, трость:/ всего телесе протяжения на Кресте:/ членове, гвоздя: и ребра, копие./ Пострадавый за ны и от страстей свободивый нас,/ низшедый к нам человеколюбием и вознесый нас,// Всесильне Спасе, помилуй нас.

3. Исповемся Тебе Господи всем сердцем моим,/ повем вся чудеса Твоя.

Распёншуся Тí, Христé,/ вся твáрь, видящи, трепетáше,/ основáния земли позыбáшася страхом держáвы Твоея:/ Тебé бо вознэсшуся днэсь,/ рód еврёйский погибé,/ церкóвная завеса раздрася на двóе,/ и мёртвии от гробов воскресóша:/ сóтник, видев чудо, ужасéся./ Предстоящи же Мати Твоя вопиáше,/ рыдáющи мáтерски:/ кáко не возрыдáю/ и утрóбы Моея не бию,/ зрящи Тя нага, яко осуждэна,/ на дрéве вíсяща?/ Распнýйся и погребýйся,/ и воскресýй из мёртвых,// Гóсподи, слáва Тебé.

Слава, глас 6:

Совлекоша с Мене рíзы Моя/ и облекоша Мя в ризу червлéну,/ возложиша на главу Мою венец от терний и в лесную Мою руку вдаша трость, да сокрушу их, яко сосуды скудельничи.

И ныне, глас тойже:

Плещи Моя дах на раны,/ лица же Моего не отвратих от заплеваний,/ судищу Пилатову предстах// и крест претерпех за спасение мира.

Таже Евангелие 10-е, от Марка, зачало 69: Во время оно прииде Иосиф: **Конец: Зрясте, где Его полагаху.**

Таже Слава в вышних Богу:

Священник же ектению: Исполним утреннюю молитву: И прочее по обычаю, и по возгласе: Яко Бог милости:

Абие Евангелие 11-е, от Иоанна, зачало 62: Во время оно моли Пилата Иосиф: **Конец: Положиста Иисуса.**